

ԱԿԱՆԱՎՈՐ ԳՐԱԿԱՆԱԿԵՏՔ

Գ. Ա. ՍԱՐԿԻՍՅԱՆ

Հայկական ՍՍՌ գիտությունների ակադեմիայի ակադեմիկոս Արսեն Տերտերյանը մեկն էր անցյալի հայ առաջավոր ինտելիգենցիայի այն լավագույն ներկայացուցիչներից, որոնք ջերմորեն ընդունեցին սովետական կարգերի հաստատումը մեր երկրում և իրենց ամբողջ եռանդն ու հարուստ գիտելիքներն ի սպաս դրեցին սովետական գիտության և կուլտուրայի զարգացման, երիտասարդ կադրերի պատրաստման գործին:

Մեր գիտական-մանկավարժական գործունեությունը սկսելով դեռևս ուսական առաջին հեղափոխության տարիներին, Ա. Տերտերյանը շուրջ կես դար հավատարմորեն ծառայեց հարգատ ժողովրդին և հայագիտությունը հարստացրեց բազմաթիվ մեծարժեք ուսումնասիրություններով: Թեմական դպրոցի ուսուցչի համեստ փիճակից մինչև գիտության վաստակավոր գործչի պատվավոր կոչումը,— ահա այն ուղին, որ անցել է նա ազնիվ աշխատանքով ու գիտական բեղուն գործունեությամբ:


I

Արսեն Հարությունի Տերտերյանը ծնվել է 1882 թ. դեկտեմբերի 22-ին (հին տոմարով), Լեոնային Ղարաբաղի ավտոնոմ մարզի Շուշի-թևեղ գյուղում: Նախնական կրթությունը ստանալով գյուղի ծխական դպրոցում, այնուհետև նա փոխադրվում է Շուշի քաղաքի հայոց թեմական դպրոցը, որը փայլուն գնահատականներով ավարտում է 1902 թ.: Նույն թվականին նա ընդունվել է էջմիածնի Գևորգյան ճեմարանի լսարանական-մասնագիտական բաժինը: Ընթացիկում ավարտելուց հետո, 1905 թ. Ա. Տերտերյանը վերադառնում է Շուշի և երկու տարի մանկավարժական աշխատանք կատարում թեմական դպրոցում՝ դասավանդելով հայոց գրականություն, պատմություն և այլ առարկաներ:

Ուսումը շարունակելու նպատակով 1907 թ. նա մեկնում է Պետերբուրգ, ուր և ընդունվում է Հոգե-նյարդաբանական ինստիտուտ:

Ռուսաստանում անցկացրած տարիները վճռական դեր խաղացին Տերտերյանի մտավոր կյանքում: Այնտեղ էր, որ նա լայնորեն շփվեց ուսանողական առաջավոր շրջանների հետ, անմիջականորեն հաղորդակից եղավ ուսական գիտությունն ու մշակույթին, հափշտակված կարգաց և ուսումնասիրեց ուսուցչություն-դեմոկրատական մտքի խոշորագույն ներկայացուցիչներ Բեկինսկու, Գերցենի, Չերնիշևսկու և ուրիշների երկերը: Նա պատկանում էր այն առաջադեմ ուսանողների թվին, որոնք միաժամանակ ակտիվ հետաքրքրություն էին ցուցաբերում դեպի հասարակական կյանքը, ձեռք բերում անլեզալ գրականություն և ուսումնասիրում մարքսիզմը:

Նյութական ծանր պայմանների հետևանքով, սակայն, Տերտերյանը չի կարողանում շարունակել ուսումը և շուտով վերադառնում է Կովկաս, աշխատում որպես ուսուցիչ: Սկսած 1909 թ. նա մշտական բնակություն է հաստատում Նրեանում և պաշտոնավարում թեմական դպրոցում, դասավանդելով հայոց լեզու, գրականություն, պատմություն և այլ առարկաներ: Ինքնակրթության շնորհիվ նա խորացնում ու հարստացնում է իր գիտելիքները, ծանոթանում



համաշխարհային մշակույթի նվաճումներին, ուսումնասիրում գրականագիտական ու գեղագիտական ուղղությունները և մշակում իր հայացքները հայ գրականության դարգացման պրոցեսի վերաբերյալ:

Երկար տարիներ զրադվելով մանկավարժությանը, Ա. Տերտերյանը բեղմնավոր աշխատանք է կատարում մատաղ սերնդի դաստիարակության գործում: Որպես առաջավոր գաղափարներով տոգորված ուսուցիչ, նա պայքար է մղում քառացածության ու սխուլաստիկայի դեմ ուսումնական պրոցեսում, նոր վերաբերմունք մշակում դեպի աշակերտները և նրանց վարժեցնում ինքնուրույն աշխատանքի: Աշակերտների ու շրջապատի մեջ նա արթնացնում է հետաքրքրություն, չերմ սեր ինչպես հայրենի գրականության, այնպես էլ ռուս և համաշխարհային կուլտուրայի նկատմամբ: Այդ գործին է ծառայում նա ոչ միայն ժողովրդական ուսուցչի իր պարտականությամբ, այլև հրապարակային ելույթներով ու գրական-քննադատական գործունեությամբ:

1900-ական թվականներից ի վեր Ա. Տերտերյանը ակտիվ մասնակցություն է ցուցաբերում հայ գրական կյանքին: Մամուլում նա հանդես է գալիս հայ գրականությանը նվիրված քննադատական հոդվածներով, որոշակիորեն սահմանափակվելով լիբերալ-բուրժուական մտայնությամբ: Ի տարբերություն վերջինիս ներկայացուցիչների, որոնք արհամարհական վերաբերմունք էին ցուցաբերում դեպի մեր գրականության դեմոկրատական հոսանքը, Ա. Տերտերյանը հետևողականորեն պաշտպանում էր դեմոկրատ գրողներին և ամեն կերպ նպաստում նրանց ժողովրդականացմանը: 1910 թ. նա հանդես եկավ իր առաջին մեկնադրական ուսումնասիրություններով, որոնցից մեկը նվիրված էր Մ. Նալբանդյանին, իսկ մյուսը՝ Վ. Տերյանին: Դրանց հետևեցին նրա նոր աշխատությունները Ալ. Շիրվանզադեի, Հ. Խումանյանի, Հ. Հովհաննիսյանի, Մուրացանի, Նար-Դոսի և ուրիշ հայ նշանավոր գրողների մասին, որոնք խոշոր նորություն էին մեր քննադատական մտքի պատմության մեջ:

Ընդհատ է, այդ շրջանի նրա աշխատությունները իրենց վրա զգալիորեն կրում են ժամանակի գրականագիտական մտքի այլևայլ ազդեցություններ, բայց տվյալ դեպքում կարևոր է հեղինակի գաղափարական դիրքորոշումը, գրական երևույթների գնահատման չափանիշը, որով նա վեր հանեց ու արժեքավորեց հայ գրականության դեմոկրատական-ժողովրդային առաջավոր տրադիցիաները: Սեզանում առաջին անգամ նա է բաղմակողմանիորեն ուսումնասիրել և բուսարժանվույն գնահատել հայ կլասիկների ստեղծագործությունները, բացահայտել նրանցից յուրաքանչյուրի արվեստի բնորոշ գծերը: Այդ գրողների մասին նրա աշխատությունները այսօր էլ կարդացվում են հետաքրքրությամբ:

Այդ տեսակետից մանավանդ նշանակալից է Ալ. Շիրվանզադեին նվիրված ծավալուն աշխատությունը (1911), որն աչքի է ընկնում գրականագիտական մտքի հասունությամբ և խորաթափանց վերլուծումներով: Ա. Տերտերյանը այստեղ առաջին անգամ բացահայտում է մեծանուն գրողի ունակության արվեստի ճանաչողական ու գեղարվեստական մեծ նշանակությունը, բնագծում նրա առաջատար դերը հայ գրականության մեջ ունակի դարգացման գործում: Ըստ որում, նա իրավամբ բարձր է գնահատում Ալ. Շիրվանզադեի վաստակը և այն դիտում որպես դարաշրջանի ժամանակի իրականության գեղարվեստական ցայտուն արտահայտություն:

Չնայած որոշ վիճելի դրույթներին, այդ աշխատությունն իր կառուցվածքով, նյութի բնագրվամբ և գիտական եզրահանգումներով նշանակալից երևույթ է ժամանակի հայ գրաքննադատական մտքի զարգացման մեջ բնագահապետ և Ալ. Շիրվանզադեի ստեղծագործության լուսարանման տեսակետից՝ մասնավորապես: Դրանով Ա. Տերտերյանը մեղանում փաստորեն սկիզբ դրեց Ալ. Շիրվանզադեի ունակի պրոբլեմների գիտական ուսումնասիրությանը:

2

Ա. Տերտերյանի գիտական-մանկավարժական գործունեությունը լայն ընդլայնվում էր հայաստանում սովետական կարգեր հաստատվելուց հետո, երբ ստեղծագործական աշխատանքի համար ստեղծվեցին անհրաժեշտ պայմաններ:

1921 թ. հունվարին, երբ հիմնադրվեց Սրեանի Պետական համալսարանը, Ա. Տերտերյանը դարձավ նրա առաջին դասախոսներից մեկը և այնուհետև իր ամբողջ կյանքը կապեց համալսարանի հետ: Նա գործունե մասնակցություն ունեցավ հատկապես լեզվի ու գրականության ֆակուլտետի ստեղծմանը և իր ջանքերով հիմնեց հայ գրականության ամբիոնը, որի անփոփոխ

ղեկավարն էր մինչև իր կյանքի վերջը: Դրա հետ միաժամանակ Ա. Տերտերյանը երկար տարիներ գասախոսական աշխատանք է վարել նաև Երևանի Արտվյանի անվան մանկավարժական և Հեռակա մանկավարժական ինստիտուտներում, Հայաստանի սովետական գրողների միության կից գրական ստուգիայում, ՀԿՊ Կենտկոմին կից պարտիական զուրոցում և այլ ուսումնական հաստատություններում, ամենուրեք վայելելով ջերմ սեր ու հեղինակություն:

Մեծ է Ա. Տերտերյանի ծառայությունը հատկապես մանկավարժների և գիտաշխատողների բարձրորակ կադրեր պատրաստելու ուղղությամբ: Առանց չափազանցության կարելի է ասել, որ ներկայումս մեր ուսուցիչական մեծ նրա սահմաններից դուրս գործող սովետահայ գրականագետների, գրողների, մայրենի լեզվի ու գրականության ուսուցիչների մեծ մասը Ա. Տերտերյանի աշակերտներից է: Ավելին, քաջագիտակ լինելով եվրոպական և ռուս գրականության պատմությանը, նա այդ բնագավառում ունեցած իր գիտելիքները ևս հայ գրականության ավանդելիս հաղորդել է ուսանողներին, որոնցից ոմանք այժմ աշխատում են որպես ռուս և արտասահմանյան գրականության մասնագետներ:

Ա. Տերտերյանն ակտիվ մասնակցություն է ունեցել մեր կուլտուր-հասարակական կյանքին և օժանդակել նրա վերելքին: Բնորոշ է, որ նա մեկն էր մեր այն առաջավոր մտավորականներից, որոնք դեռևս 1921 թ. սեպտեմբերին հրապարակեցին կոչ՝ ուղղված ամբողջ աշխարհի հայ աշխատավորությանը Սովետական Հայաստանին օգնություն կազմակերպելու մասին: Այնուհետև նա մեծ աշխատանք է կատարել որպես գիտական աշխատողների որակավորման հանձնաժողովի անդամ, որպես բաղադրական գրականության թարգմանիչ և լայն Դրանց զուգընթաց նա բովանդակել էր կուլթյունը և ունեցել գրական գիտություններում, կարդացել է հրապարակային դասախոսություններ, զեկուցումներով հանդես եկել գիտական հասաշրջաններում և աշխատակցել մեր պարբերական մամուլին:

Ա. Տերտերյանն իր մանկավարժական-դասախոսական աշխատանքը հմտորեն զուգակցում էր գիտական գործունեությանը: Հենց այս տարիներին էր, որ նա ձևավորվեց որպես տաղանդավոր գրականագետ-քննադատ և գրականության իր ստեղծագործական լայն գիտապայծառ, հետազոտական ոլորտի մեջ առնելով բազմաթիվ հարցեր ու պրոբլեմներ:

Ամենից առաջ պետք է նշել նրա խոշոր վաստակը հայ նոր գրականության գիտական պատմության բուհական սինտեզատիկ դասընթացի ստեղծման գործում: Դեռևս 1922 թ. Հայաստանի պետական հրատարակչությունը ձևադրի իրավունքով լույս ընծայեց Ա. Տերտերյանի կարդացած դասախոսությունների սղագրական առաջին պրակը, որտեղ նա նոր տեսանկյունից է ներկայացնում մեր գրականության պատմության նոր շրջանի սկզբնավորումը և այդ առնչությամբ վերաբնում Արտվյանի, Պոռյանի, Բաքու, Մունդուկյանի և այլոց գերը: Հետագայում (1930—1931 թթ.) Հեռակա մանկավարժական ինստիտուտի և Պետական համալսարանի լեզվագրական ֆակուլտետների համար նա գրեց հայ գրականության պատմության առաջագրություններ, որոնք կարող են կազմել մի ստվար հատոր:

Այդ իմաստով մասնավորապես ուշագրավ են 1938—39 թթ. հրատարակված նրա սղագրական դասախոսությունները՝ Ա. Փափազյանի, Հ. Հովհաննիսյանի, Հ. Թումանյանի, Ա. Ծատուրյանի, Ա. Իսահակյանի, Շ. Կուրդիյանի, Հ. Հակոբյանի և Վ. Տերյանի մասին: 1930-ական թթ. հայ կլասիկների երկերի վերահրատարակության առթիվ Ա. Տերտերյանը գրեց մի ամբողջ շարք ուսումնասիրություններ, որոնք աչքի են ընկնում համարձակ հարցադրումներով ու գիտական խոր վերլուծությամբ: Այդ կարգի աշխատություններից առանձնապես արժեքավոր են Մուրացանի «Ընտիր երկերի» քառահատոր ժողովածուի ներածական հոդվածները, Նար-Դոսի «Մեր թաղը» նովելներին, Ստյանի «Երկեր»-ին, Բաքու «Մամվել» պատմավեպին կցված առաջաբանները, որոնցից յուրաքանչյուրն ընդգրկում է համապատասխան պրոբլեմի իր լայնքով ու խորությամբ: Դրանց մի մասը ծավալուն հետազոտություններ են, որոնք ընդհանրացնում ու ամբողջացնում են տվյալ հարցի մասին եղած մասնավոր գիտողությունները և նոր հորիզոններ բացում հետագա ուսումնասիրողների համար: Ընդհանրապես պետք է նկատել, որ իր քննադատական գործունեության ընթացքում անվանի գիտնականը ձգտել է ստեղծել կապիտալ աշխատություններ, որոնք ամբողջական գաղափար են տալիս տվյալ գրողի և նրա ապրած ժամանակաշրջանի մասին: Նմանօրինակ ընդլայնում են «Նալբանդյանի և Սթեփանյանի» (1939), «Արտվյանի ստեղծագործություններ» (1941), «Պարոնյանի գեղագիտական հայացքներ» (1941) և այլ գործեր, որոնց մեջ խորապես գրսևորվել է հեղինակի հետազոտական միտքը:

3

Իրրե հայրենասեր գիտնական Տերտերյանը բեղմնավոր գործունեություն ծավալեց Հայրենական մեծ պատերազմի տարիներին՝ Ականավոր գիտնականը լարեց իր բոլոր ջանքերը սովետական առաջավոր գիտությունը մեր ժողովրդի ազատագրական պայքարին ծառայեցնելու համար:

Պատերազմի հենց առաջին ամիսներին նա հանդես եկավ մարտական-հրապարակաստական բնույթի հոդվածներով, որոնց մեջ մերկացրեց գերմանա-ֆաշիստական զավթիչների ունակյունը Լուսինը և կոչ արեց մեր ժողովրդին ջախջախիչ հակահարված հասցնել լկտի թշնամուն, կրճրով պաշտպանել հարազատ հայրենիքը: Այդ խմբագրով ուղարկվեցին նրա «Մեծ ունյուցիայի 25-ամյակը», «Ֆաշիզմի կործանումն անխուսափելի է» և ուրիշ հոդվածներ, որոնցով նա ոգեշնչեց ընթերցողին և ամրապնդեց նրա հավատը հաղթանակի նկատմամբ:

Նույն նպատակով նա շարունակեց ուսումնասիրել և նոր տեսանկյունից բննել անցյալի հայ գրականության ժողովրդա-ազատագրական, հայրենասիրական վեհ տրադիցիաները, բնագծել դրանց արդիական նշանակությունը: Արձագանքելով ժամանակի պահանջներին նա իր ուղարկությունը կենտրոնացրեց այնպիսի պրոբլեմների վրա, որոնց գիտական լուսարանությունը կարող էր պայքարի ոգեշնչել սովետական մարզկանց, օգնել մեր հաղթանակին: Այդպիսի հայրենասիրական ազնիվ կրթով են տոգորված գիտնականի «Ալիշանը և հայրենասիրությունը», «Հայրենասեր կինը Մերենցի վեպերում», «Թուսմանյանի հայրենասիրական սրբեկիան», «Ազա-յանը և ժողովրդական հերոսությունը», «Սոնդուկյանը և ժողովուրդների բարեկամությունը» (1943), «Հակոբ Հակոբյանը և մեր օրերը» և ուրիշ երկեր, որոնց վերնագրերն իսկ շատ բան են ասում հեղինակի նպատակադրումների մասին: Դրանց մեջ Ա. Տերտերյանը վեր հանեց մեր գրականության սերտ կապը ժողովրդի առաջաճոր ձգտումների հետ, բացահայտեց նրա հայրենասիրական ոգին, ազատարար իդեալներն ու վառ հոսմանիզմը: Երա ափնառու վկայությունը տալիս է սովետահայ անվանի գրող Հր. Քոչարը. «...Ուղղապես կարողավ Ալիշանին նվիրված Ա. Տերտերյանի հոդվածը, նա հեղինակին գրել է հետևյալ տողերը. «...Ամսա-գրի երրորդ գիրքն ինձ հասավ պատերազմի ճակատում: Տպագրված բոլոր նյութերից առանձնապես նախընտրվածը կարդացի Ձեր հոդվածը: Ալիշանի մասին Դուք ցույց եք տալիս երիտասարդությանը, թե ինչի համար են կովել իրենց հայրերը և ինչ են երազել իրենց ժողովրդի մեծ որդիները, և ցույց եք տալիս այնքան պարզ ու ճշմարտացի, այնքան բնական ձևով եր նկարում էպոսաների կապը, պատմական անալիզիաներն այնքան հստակ տրամաբանությամբ եր պնդում, որ թվում է, թե այսօրվա դեպքերին են արձագանքել մեր մեծ նախորդները ժամանակով մեզնից շատ առաջ»:

Եվ արդարև, գրված լինելով հայրենասիրական ջերմ շնչով Տերտերյանի այդ և մյուս աշխատությունները ընթերցողին համակում են ազգային հպարտության ազնիվ զգացումներով, միահյուսված դեպի եզրայրական ժողովուրդներն ու նրանց կուլտուրան տաժած խոր հարգանքի ու սիրտ հետ: Դրանց մեջ հեղինակը տարբեր առիթներով անդրադառնում է մասնավորապես այն բարերար ազդեցությանը, որ ունեցել է ուսն առաջավոր գրականությունը հայ գրական-հասարակական մտքի զարգացման վրա:

Պետք է բնագծել, որ իր գիտական գործունեության ընթացքում Ա. Տերտերյանը միշտ էլ հանդես է եկել որպես ուսական կուլտուրայի անխուսափելի պրոպագանդիստ և ամեն կերպ նպաստել նրա ժողովրդականացմանը մեզանում: Նշելով այն ճիշտ հայեցակետից, որ գեղարվեստական գրականությունը ամենից ավելի լավ է ծանոթացնում ժողովուրդներին միմյանց և պայմաններ ստեղծում նրանց բարեկամության հետագա ամրապնդման համար, նա իր հետազոտություններում լայն տեղ է հատկացրել գրական կապերի և գրողների փոխադարձ բարեկամության հարցերին: Ըստ որում, ինչպես և պետք էր սպասել, նրան ամենից առաջ հետաքրքրել է հայ-ուսական գրական կապերի պրոբլեմը, որի ուսումնասիրությունը առաջնակարգ նշանակություն էր ստանում մանավանդ պատերազմի տարիներին: Հենց այդ գիտակցությամբ էր գրված «Բրյուսովը և հայ կուլտուրան» աշխատությունը (1943), ուր հեղինակը լայնորեն բացահայտել է ուսն ափնավոր բանաստեղծ-գիտնականի վերաբերմունքը դեպի մեր ազգային մշակույթը և բնագծել նրա խոշոր դերը հայ ժողովրդի պատմության, սրբեկիայի ուսումնասիրման ու ժողովրդականացման գործում:

1 «Սովետական գրականություն», 1942, № 5—6, էջ 213:

Ռուս գրականության մասսայականացման, ինչպես և անցյալի հայ գրողների ստեղծագործական կյանքում ռուս գրականության և նրա առանձին ներկայացուցիչների առաջատար գերի լուսարանման իմաստով ուշադրով են նաև «Պուշկինը հայ գրականության մեջ», «Անմահ կոմեդիան» (Ա. Գրիբոյեդովի «Խելքից պատմահասի» մասին), «Ռուս մեծ առակախոս-բանաստեղծ» (Ի. Կոնյով) և, վերջապես, «Վ. Բելինսկի» հետազոտությունները:

Դրանցից առանձնապես արժեքավոր է Բելինսկուն նվիրված սովորահատուր մենագրությունը: Որք լուրջ ավանդ է ռուս մեծ քննադատ-հրապարակախոսի մասին եղած հարուստ գրականության մեջ: Բելինսկու կյանքի ու գործունեության համակողմանի բնութագրման հետ միասին Ա. Տերտերյանը քննարկում է Բելինսկիագիտության այնպիսի էական խնդիրներ, ինչպիսիք են՝ Բելինսկին իրեն քննադատ, Բելինսկու էթնոտիկան և էթիկան, Բելինսկին արվեստի և գրականության պատմության պրոբլեմների մասին, նրա կրած և թողած ազդեցությունը, լեզուն և ոճը, ժողովրդայնության և հայրենասիրության մեկնարանությունը, Բելինսկին իրեն գրական մանկավարժ, Բելինսկին հայ գրականության մեջ: Բելինսկին և մեր օրերը: Կարելի է ասել, որ այդպիսի լայնում ու խորությամբ մինչ այդ դեռ ոչ ոք չէր ուսումնասիրել Բելինսկուն, որի գրական, գիտական և փիլիսոփայական ժառանգությունը մեկնարանելիս Ա. Տերտերյանը երևան է բերել բազմակողմանի մոտեցում: Կարելի է, իհարկե, վիճել կամ չընդունել նրա այս ու այն գրություն, բայց անառարկելի է հեղինակի լավատեղյակությունը նյութին, նրա գրականագիտական բարձր ճաշակը, գիտականությունը և փաստարկման տրամաբանությունը: Այդ նկատելի է, մանավանդ, բոլոր այն դեպքերում, երբ Ա. Տերտերյանը խոսում է գրական կապերի ու ազդեցությունների մասին: Վերցնենք թեկուզ «Բելինսկին հայ գրականության մեջ» գլուխը, ուր հեղինակը հարուստ փաստերի հիման վրա ցուցադրում է այն արդասավոր ազդեցությունը, որ ռուս մեծ քննադատը թողել է մեր գրական-հասարակական մտքի զարգացման վրա՝ սկսած Արուստանից ու Նալբանդյանից մինչև հայ մարքսիստների ավագ սերունդը: Ըստ որում, այդ ազդեցությունը լուսարանելիս նա չի անտեսում մեր ժողովրդի սոցիալ-կուլտուրական ընդհանուր մեծակը, ինչպես և մեր գրականության ազգային ինքնատիպությունը:

Ա. Տերտերյանի այս, ինչպես և վերը նշված աշխատությունները հեղինակին բնութագրում են որպես ականավոր գրականագետի: Նրա երկերի մեջ խոր լուսարանություն են ստացել գրականության պատմության և տեսության շատ հարցեր, որոնց առաջագրման ու լուծման բնթացքում գրեթե բոլոր են հեղինակի լայն մտահորիզոնը, գիտական առողջ օրյակտիվությունը և բաղադրական ակտիվությունը: Էենց այդ ամենն էլ նրան դարձրին հանրաճանաչ հեղինակություն մեր գրականագիտական մտքի ասպարեզում, ուր նա ստեղծել է մնայուն արժեքներ: Ահա թե ինչու, երբ պատերազմի ահեղ օրերին (1943) հիմնադրվեց Հայկական ՄՍՌ գիտությունների ակադեմիան, Ա. Տերտերյանը կառավարության կողմից հաստատվեց նրա անդրանիկ կազմի մեջ որպես իսկական անդամ:

4

Իր գլխորդի վերջին տարիներին ականավոր գիտնականը զբաղված էր հայ քննադատական ունակիզմի պատմության ուսումնասիրությամբ: Ենթադ է, որ այդ ասպարեզում նրա հետազոտական միտքը ամենից առաջ կենտրոնացավ այնպիսի հեղինակների վրա, ինչպիսիք են Պուշկինը, Դյուրանդակեն և Զոհրապը, որոնցից յուրաքանչյուրը, ինչպես հայտնի է, նոր աստիճան է նշանավորել հայ ունակիստական արձակի զարգացման պատմության մեջ: Այդ գրողների մասին Ա. Տերտերյանի ուսումնասիրությունները, որպես էլ տարբեր լինեն իրենց բնույթով, ծավալով ու խորությամբ, ունեն նույն նպատակադրումը՝ վեր հանել հայկական ունակիզմի իր զարգացման տարբեր փուլերով և արժեքավորել նրա ականավոր ներկայացուցիչներին: Այդ աշխատությունները միաժամանակ ցույց են տալիս ինքնահսկողական հարման այն մեծ քանակը, որոնց շնորհիվ հեղինակը կարողացավ հանգել նոր և ճիշտ հետևությունների: Մի կողմ թողնելով անցյալում իր պաշտպանած որոշ միակողմանի ու սխալ թեզերը՝ նա հետևողականորեն կիրառեց պատմականության սկզբունքը և բոլորովին նոր խոսք ասաց նշված գրողների մասին:

Այդ վերաբերում է նախ և առաջ «Զոհրապի արվեստը» վերնագրով հետազոտությանը (1946), որը քննական գիտողություններով հարուստ մի շարադրանք է: Զոհրապին բնութագրելով որպես հայ ունակիստական նովելի մեծ վարպետ, Ա. Տերտերյանը սեղմ, բայց դիպուկ վերլուծությամբ բացահայտում է նրա ստեղծագործական վաստակի սոցիալական բովանդակությունը, ունակիզմի, տիպականացման արվեստի և բնութանրապես գեղարվեստական վարպետության առանձնահատկությունները:

Անհամեմատ բարձրարժեք գործեր են «Պերճ Պոռչյան» (1955) և «Շիրվանզադեի գրական տիպերի հանրագիտարանը» (1959) մենագրությունները, որոնք լույս տեսան հեղինակի մահվանից հետո: Դրանք, լինելով երկար տարիների տրնաջան աշխատանքի և մանրակրկիտ հետազոտության արդյունք՝ հարստացնում են մեր իմացությունը նշված գրողների ու նրանց ապրած ժամանակի մասին և կարող են ռիսիակ հանդիսանալ գրականագիտական խորագնին ուսումնասիրության:

Ըր տեսակի մեջ աննախընթաց երևույթ էր Շիրվանզադեի գրական տիպերին նվիրված աշխատությունը, որի տոանձին գլուխներ մեր մամուլում հրապարակվել են դեռևս 1945—1946 թթ.: Այստեղ հեղինակը պատմա-գրական լայն ֆանի վրա ներկայացնում է մեծանուն ռեալիստի գրական-հասարակական գործունեությունը, բացահայտում նրա ստեղծագործության զաղափարա-գեղարվեստական տեղեկեցները՝ կապված ժամանակի ու միջավայրի կոնկրետ հանգամանքների հետ: Նա ցույց է տալիս, որ ժառանգելով նախընթաց շրջանի հայ գրականության լավագույն տրագիդիաները և դրանց միացնելով ուսու ու համաշխարհային գրականության նվաճումների յուրացումը՝ Շիրվանզադեն թե՛ իրրե վիպասան ու դրամատուրգ, և թե՛ որպես արվեստի տեսարան ու քննադատ, հսկայական դեր է կատարել մեր ժողովրդի կուլտուրական առաջընթացի գործում: Այդ դերը առավել պարզորոշ է դառնում աշխատության «Շիրվանզադեի տիպերի բնութագիրը» գլխում, որը վերլուծական մի լուրջ ուսումնասիրություն է, հազեցված բանասիրական նուրբ դիտողություններով և ներկայացված բառարանային ձևով:

Այլ Շիրվանզադեի հիսունվեց մեծ և փոքր ծավալի երկերի ուսումնասիրությամբ Ա. Տերտերյանը ներկայացնում է շուրջ երեք հարյուր տիպերի վերլուծություն: Այս կամ այն գրվածքի մեջ գործող անձերից վերցնելով առավել բնորոշները՝ նա բայլ առ բայլ հետևում է հեղինակի գրական ուղեգնացության՝ սկսած «Հրդեհ հավթսգործարանում» պատմվածքից մինչև «Վերջին շատրվանը» կինոսցենարը և նշում նրա առաջընթացի կարևոր հանգրվանները: Ծիշտ է, նա երբեմն անդրադառնում է նաև երկրորդական հերոսների, բայց այն չափով, որ չափով դա անհրաժեշտ է տվյալ գլխավոր տիպի կամ նրա միջավայրի ամբողջացման համար: Չմոռանանք ասել, որ գրական տիպերի բնութագրման բնթացքում Ա. Տերտերյանը լայնորեն օգտագործում է նաև գրողի մեմուարային երկերը, որոնց մեջ հանդես եկող անձերից շատերը նույնպես տիպականացվել են և դարձել են այս կամ այն խավի բնորոշ ներկայացուցիչ:

Ճարրեր գրադմունքի, տարիքի, սեռի, երբեմն էլ տարրեր ազգի պատկանող այդ կերպարների բնութագրմամբ Ա. Տերտերյանը լուսարանում է ականավոր ռեալիստի արվեստի սերտ կապը դարաշրջանի հետ և վեր հանում նրա ստեղծագործության ճանաչողական ու գեղագիտական մեծ նշանակությունը:

Գալով Պոռչյանին նվիրված մենագրությանը՝ պետք է նկատել, որ նրա մեջ առաջին անգամ տրված է ականավոր գրողի կյանքի ու ստեղծագործության ամբողջական պատկերը: Մեր առաջ եկնում է Պոռչյանը իր ողջ հասակով թե՛ իրրե մարդ, և թե՛ որպես ժողովրդական գրող: Կոնկրետ փաստերի ու տվյալների խորագնին ուսումնասիրության հիման վրա Ա. Տերտերյանը հետաևորեն բնդգծում է գրողի յուրահատուկ դիմանկարը, որն արտացոլում է իր դարաշրջանի տիպական գծերը:

Նու վանելով ու մերկացնելով անցյալում Պոռչյանի շուրջը ստեղծված լիրերալ-բուրժուական և գոեհիկ սոցիոլոգիական² այն մտայնությունը, որը ճիգ ու ջանք էր թափում գրողին ներկայացնել որպես կղերամիտ պահպանողականի, Ա. Տերտերյանը նրան բնութագրում է իբրե գյուղացիական դեմոկրատ, որի «հասարակական-քաղաքական հայացքների կապակետը աշխատավոր գյուղացու երջանկությունն է հայրենի հողի վրա»²:

Այս տեսակետը նա հիմնավորում էր գրողի ստեղծագործության զաղափարական բովանդակության հմուտ վերլուծությամբ, որը սույն աշխատության արժանիքներից է: Պոռչյանի կյանքի ու գործունեության բնությունը խստորեն ենթարկված է նրա աշխարհայացքի ու ստեղծագործական մեթոդի բացահայտման խնդիրներին:

Ըստ արժանվույն գնահատելով Պոռչյանի տեղն ու դերը հայ դեմոկրատական գրականության մեջ որպես սոցիալական վեպի սկզբնավորողի, Ա. Տերտերյանը միաժամանակ նշում է նրա աշխարհայացքի ու ստեղծագործական մեթոդի պատմական որոշ սահմանափակությունը:

Ա. Տերտերյանի աշխատությունը ոչ միայն հարստացնում է մեր իմացությունը Պոռչյանի մասին, բնդլայնում նրա գործունեության ուսումնասիրման ու հետազոտման ոլորտները, այլև

2 Ա. Տերտերյան, Պերճ Պոռչյան, Երևան, 1955, էջ 226:

առաջադրում ու լուսարանում այնպիսի նոր հարցեր, որոնք մինչև այդ դրեթե չեն շոշափվել: Այդպիսի հարցերից են, օրինակ, Պոռշյանի վիպագրական առանձնահատկությունները, հայ գրականությունն ու կուլտուրան Պոռշյանի գնահատությամբ, Պոռշյանի լեզուն ու ոճը, Պոռշյանի գրական կապերը, նրա ստեղծագործության արդիական արժեքը և այլն: Ըստ որում, նշված պրոբլեմները քննարկելիս հեղինակը համապատասխան երևույթը ներկայացրել է իր աստիճանական զարգացման մեջ:

5

Մեր այս սեղմ ակնարկից իսկ դժվար չէ տեսնել, թե ինչպիսի արդյունավետ ստեղծագործական կյանք է ունեցել Ա. Տերտերյանը: Նա թողել է գիտական մեծ ժառանգություն, որ աչքի է ընկնում լայն ընդգրկմամբ, փաստական նյութի հարստությամբ, տեսական լուրջ ընդհանրացումներով և տարբեր ժողովուրդների գեղարվեստական փորձի խոր արձագանքներով: Հայ հին գրականության հուշարձաններից մինչև սովետահայ գրողների ստեղծագործությունը, հայրենի բանավեպից մինչև ուսու խոսքի վարպետներն ու «սիրելի գեղերի երգը», — ահա հարցերի այն ոլորտը, որ բնորոշ է Ա. Տերտերյանի շատագուտական մտքի համար:

Որպես պրոֆեսիոնալ գրականագետ և քննադատ, նա հատկապես մեծ աշխատանք է կատարել հայ նոր գրականության պատմության ուսումնասիրության բնագավառում, ուր նա երկար տարիներ հետազոտական լայն աշխատանք էր կատարել բազմազան պրոբլեմների շուրջը: Այդ գրականությունն իր երկու հատվածներով (արևելյան ու արևմտյան) մշտապես եղել է գիտնականի ուղադրության կենտրոնում և դժվար է նշել թիվ թե շատ աչքի ընկնող որևէ հայ գրող, որին մեկ կամ մի քանի անգամ անդրադարձած չլինի նա: Մեր գրա-պատմական զարգացման պրոցեսն իր հիմնական փուլերով ու առաջատար տեղեկանքներով, ժանրային ու ոճական շատ առանձնահատկություններով լուսարանվել ու գնահատվել է նրա երկերում:

Ա. Տերտերյանը առաջիններից էր, որ ստույգ փաստերի ուսումնասիրության հիման վրա որոշեց մեր դասական գրողներից շատերի ստեղծագործության էությունը և գիտականորեն սահմանեց նրանցից յուրաքանչյուրի տեղը պատմա-գրական շարժման շղթայում: Նրան հավասարապես հետաքրքրել է թե՛ բանաստեղծը, թե՛ արձակագիրը, և թե՛ դրամատուրգը, որոնց երկերի հմտալից վերլուծությամբ բացահայտել է տվյալ հեղինակի աշխարհայացքի ու մեթոդի բնորոշ գծերը:

Մեծ է Ա. Տերտերյանի երախտիքը մասնավորապես հայ բանաստեղծության և վիպասանության հարուստ փորձը ուսումնասիրելու, տեսականորեն ընդհանրացնելու ասպարեզում: Արուսյանի, Ծերենցի, Բաքի, Մուրացանի, Դեմիրճյանի ու Զորյանի պատմա-գեղարվեստական երկերի խոր ուսումնասիրությամբ նա մշակեց հայ պատմավեպի ամբողջական տեսություն, որ կարևոր ներդրում էր մեր գրականագիտության մեջ: Նույնպիսի անխոնջ եռանդով նա ուսումնասիրեց հայ երգիծական գրականությունը, որի նույնիսկ երկրորդական դեմքերը չլրիպեցին նրա տեսողաշտից: Ավելին, նրբանկատ լինելով գրական երևույթները գիտելիս, նա երգիծանքի տարրեր բացահայտեց նույնիսկ այնպիսի երկերում, որոնք ընդհանուր առմամբ երգիծական չեն:

Ա. Տերտերյանն էր դարձյալ, որ առաջին անգամ մեղանում լրջորեն զբաղվեց հայ կլասիկների գեղագիտական ժառանգության ուսումնասիրությամբ: Այդ իմաստով բարձրարժեք գործ է մանավանդ «Պարոնյանի գեղագիտական հայացքները» աշխատությունը, ուր լայնորեն բացահայտված են հանճարեղ երգիծաբանի գեղագիտական ըմբռնումները և դրանց կոնկրետ մարմնավորումը նրա ստեղծագործական պրակտիկայում: Հայ քննադատական ուսույթի ծագման ու զարգացման շատ հարցեր նույնպես Ա. Տերտերյանն է առաջ քաշել և մեկնաբանել: Նրա հետազոտական ջանքերի շնորհիվ է, որ առավել պարզ դարձան մեր ուսույթական գրականության նվաճումները՝ Արուսյանից մինչև Զոհրապ:

Վերջապես չի կարելի չնշել Ա. Տերտերյանի դերը հայ-ուսական գրական կապերի ուսումնասիրության, ուսու առաջավոր կուլտուրայի պրոպագանդան ու մասսայականացման գործում: Որի մասին մենք արդեն խոսել ենք: Այստեղ կուզենայինք բնագծել միայն այն հանգամանքը, որ գրական կապերի պրոբլեմը քննելիս նա հանդես էր բերում պատմական կոնկրետ մոտեցում և խուսափում ինչպես վերացական գուգադրություններից, այնպես էլ սխեմատիկ ֆորմուլաներից:

Երական-պատմական ուսումնասիրություններին զուգընթաց Տերտերյանը սխտեմատիկաբար զբաղվել է նաև գրականության տեսության հարցերով: Նրա երկերում արժեքավոր գիտո-

դուժյուծներ կան գրական ժանրերի, մեթոդների, հոսանքների, ազդեցությունների, ինչպես և ստեղծագործական վարպետության հետ կապված այլևայլ խնդիրների մասին:

Ա. Տերտերյանի գրականագիտական հայացքների զարգացումը, հարկավ, չի ընթացել սահուն ու հարթ. նա ևս ունեցել է վրիպումներ ու սայթաքումներ, որոնք էզայայես պայմանավորված են եղել գրականագիտական մտքի «զիզզագներով» մեր իրականության մեջ: Երանցից կարելի է հիշել տարբեր ժամանակներում Ա. Տերտերյանի տված տուրքը գոհհիլ սոցիալոգիզմին, պատմա-համեմատական մեթոդին և այլն, որոնց հաղթահարման ջանքերը, սակայն, նրա վերջին շրջանի գործերում ակերտի են: Չի կարելի գանց առնել նաև նրա առանձին երկերում նկատվող չարդարացված որոշ համեմատություններ, մանկավարժական նպատակով պայմանավորված շեղումներ, կրկնություններ, ինչպես և արդի գրականության հարցերին բիշ անդրադառնալը:

Չնայած նման թերություններին, Ա. Տերտերյանի գիտական վաստակը իր հիմնական մասով մնում է որպես խոշոր ավանդ հայ գրականության պատմության ուսումնասիրության մեջ: Ինչպես առանձին հեղինակների, այնպես էլ գրական մի շարք երևույթների նրա տված գնահատականները այսօր էլ շատ կողմերով պահպանել են իրենց իմաստն ու կարևոր նշանակությունը:

Ահա թե ինչու բարձր գնահատելով Ա. Տերտերյանի գիտա-մանկավարժական գործունեությունը՝ սովետական կառավարությունը նրան պարգևատրեց Լենինի, Աշխատանքային կարմիր դրոշի շքանշաններով և մի շարք մեդալներով: Նրան շնորհված էր նաև գիտության վաստակավոր գործչի պատվավոր կոչում:

Մինչև իր կյանքի վերջը (1953 թ. հոկտեմբերի 6) մեծավաստակ գիտնականը անշահախնդիր ծառայեց իր ժողովրդին, սիրեց նրա և եզրայրական ժողովուրդների հոգևոր մշակույթը և իր ուժերն ի սպաս դրեց այդ մշակույթի զարգացմանն ու ժողովրդականացմանը:

ВЫДАЮЩИЙСЯ ЛИТЕРАТУРОВЕД

Г. А. САРКИСЯН

(Р е з ю м е)

Долгий научно-педагогический путь прошел академик АН Армянской ССР А. А. Тертерян, 10-летие со дня смерти которого исполняется в этом году.

Начав свою деятельность в годы первой русской революции, Тертерян около полувека преданно служил своему родному народу и обогатил армянское литературоведение множеством ценных исследований. В результате плодотворной работы Тертеряна был создан систематический курс для вузов по истории армянской новой литературы.

В частности, Тертеряном была изучена история возникновения и развития армянского критического реализма от Абовяна до Зограба. В этом отношении интересны: «Творчество Нар-Доса» (1913), «Творчество Отяна» (1937), «Искусство Зограба» (1946), «Перч Прошян» (1935), «Энциклопедия литературных типов Ширванзаде» (1939) и др.

Наряду с этим впервые в нашем литературоведении Тертерян серьезно занялся изучением эстетического наследия армянских классиков, результатом чего были такие капитальные труды, как «Эстетика Налбандяна» (1939), «Эстетические взгляды Пароняна» (1941).

Велика роль Тертеряна в деле изучения армяно-русских литературных связей, пропаганды и популяризации русской передовой культуры. С этой точки зрения особый интерес представляют труды: «Пушкин в армянской литературе» (1939), «Брюсов и армянская культура» (1943), «Бессмертная комедия» (1944), «Великий русский поэт-баснописец» (1944), «В. Г. Белинский» (1948).

Тертерян систематически занимался литературно-теоретическими вопросами. В его сочинениях есть ценные замечания о литературных жанрах, методах, течениях, влияниях, а также о задачах, связанных с творческим мастерством.

Развитие литературных взглядов Тертеряна не было гладким, без ошибок, преодоление которых особенно заметно в его последних трудах.